

**Տ. Տ. ՎԱԶԳԵՆ Ա. ՎԵՀԱՓԱՌԻ ՀԱՅՐԱՊԵՏԻ ԽՈՍՔԸ
ԱՐՏԱՍԱՆՎԱԾ ՍՈՒՐԲ ԷԶՄԻԱԾՆՈՒՄ ՀԱՆԴԻՍԱՎՈՐ
ՆԻՍՏԻՆ
(27 սեպտեմբեր 1983 թ.)**

«Այսօր է կոր արար Տէր, եկայք ցնծացուք և ուրախ եղերուք ի սմա»:

Սաղմոսերգութի ուրախությամբ է, որ խոսք եմ առնում այսօր, նախ գոհություն տալու բարին մեր Աստծուն, որ շնորհեց ինձ կենաց բավարար տարիներ և արժանի դարձրեց ինձ, որ կարողանամ իմ կյանքի օրերը իմաստավորել ու արժանաբերել, իմ աշխատելու եռանդը նվիրաբերելով իմ Մայր Եկեղեցուն և իմ հարապատ ժողովրդին:

Այսպես է, որ այսօր հոգեպես մխիթարված և ինձ լիովին վարձատրված եմ զգում, իմ կյանքի յոթանասունհինգ տարիների ավարտին:

Մխիթարված եմ մանավանդ Սուրբ Լուսավորչի Գահի վրա, իմ քսանութ տարիների իրագործումներով, երբ տևապես զգացել եմ ու վայելել օգնականությունը երկնքի, սերն ու քաջալերանքը հայ հավատացյալ ժողովրդի ի Հայաստան և ի սփյուռն աշխարհի ու առատաձեռն բարերարների, նաև հույժ բարյացակամ և հարգալից վերաբերումը մեր հայրենի պետության:

Այստեղ պարտք եմ զգում շնորհակալություն հայտնել մեր Եկեղեցու նվիրապետական Աթոռներին, թեմակալ առաջնորդներին և Մայր Աթոռի Գերագույն Հոգևոր Խորհրդին, որոնք մշտապես նեցուկ են հանդիսացել ինձ, իբրև հավատարիմ գործակիցներ: Խորուզվազ շնորհակալություն նաև ձեզ բոլորիդ, այստեղ խոսք առնողներիդ՝ Ամենապատիվ բարձրաստիճան ներկայացուցիչներ քույր Եկեղեցիներին, որ Ձեր ներկայությամբ ու Ձեր եղբայրական սիրտ ուրտահայտություններով ուրախացրիք իմ սիրտը, ուրախացրիք Մայր Աթոռ Սուրբ Էջմիածինը: Եվս առավել սրտանց երախտապարտ եմ մեր պետական իշխանության և Երևանի մշակութային և գիտական հիմնարկության ներկայացուցիչներին, որ Ձեր մասնակցությունը բերեցիք սույն հանդիսության Ձեր ողջույնի ու գնահատանքի խոսքերով:

Այսօր, երբ նշվում են իմ գահակալության քսանութ տարիների իրագործումները, թույլ տվեք ամենայն անկեղծությամբ իմ գնահատանքի խոսքը ուղղել նաև Մայր Աթոռի միաբանությանն ու պաշտոնեությանը, ճարտարապետական հանձնաժողովին, շինարար վարպետներին ու բոլոր ծառայողներին և բաժնիկներին, որոնցից ամեն մեկը իր պարտքը կատարեց՝ ջանասիրությամբ,

ձեռնհասությամբ և ավելությամբ, նվիրական մի առաքելության իր նպատար բերած լինելու արդար գիտակցությամբ: Մեր օրինությունը բոլորին:

Իմ կյանքի յոթանասունհինգ տարիների ավարտին և զահալադության 28-րդ տարեկարձին, լրանում է նաև իմ քահանայական ձեռնադրության քառասուն տարին: Այս պահը բացառիկ է և անկրկնելի: Մի պահ, որ մղում է ինձ կանգ առնելու և իմ հոգու հայացքը սկսեցնելու այս իրողության վրա, որը իմ կյանքում մի խոր ջրջադարձ է՝ սնդիսացավ, երբ աշխարհիկ կյանքից հրաժարվելով ճամփա ընկա մի այլ կյանք ապրելու, որոնելու ճանապարհը՝ ծառայելու մեր հայրերի Աստծուն և իմ ժողովրդին: Ես չգիտեմ ի՞նչ չափով հասա իմ նպատակին, սակայն թույլ տվեք խոստովանել, որ իմ ուխտը անկեղծ եղավ և իմ տկար ուժերով ամեն ջանք թափեցի, որպեսզի մինչև վերջ մնամ իմ ուխտին հավատարիմ, մնամ հավատարիմ ու անխառն նաև ինքս իմ նկատմամբ:

Այսօր քառասուն տարիների իմ հոգևոր կյանքի փորձառությունից հետո, պարտք եմ համարում ձեր առաջ իմ սիրտը բացելու և իմ խոհերի մի մասը ձեզ ներկայացնելու՝ հոգևոր կոչման, քահանայական կոչման մասին, սուսժետով, թե, միգուցե ինչ-որ չափով կկարողանամ օգտակար դառնալ իմ հոգևոր եղբայրներին, հատկապես երիտասարդներին, լինեն նրանք քահանա, վարդապետ թե եպիսկոպոս:

Հայտնի է բոլորիս, և վերջին տասնամյակներին առավել է ընդգծվում, որ քրիստոնեական կրոնը քրիստոսակենտրոն կրոն է՝ խարսխված Հիսուսի մարդեղության, խաչելության և հարության խորհուրդների վրա: Աստուծո Որդին մարդացավ, որպեսզի զոհվի և ապա՝ հարություն առնի: Մեր կրոնական դավանանքի և պաշտամունքի հիմքում ընկած են այս երեք խորհուրդները, այս երեք աստվածային տնօրինությունները:

Քահանայական կոչումը հաստատվել է մանավանդ խաչելության խորհրդի վրա, որ Աստուծո Որդու զոհաբերության փրկագործ արտահայտությունն է: Քրիստոս խաչի վրա զոհաբերեց իր մարմինն ու արյունը իբրև քահանա հավիտյա: Մենք՝ քահանաներն՝ ձեռնադրությամբ ընդունելով Սուրբ Հոգու ջնորհները, Քրիստոսի օրինակով կոչված ենք մեր կյանքը զոհաբերելու, և մեր աշխատանքը նվիրաբերելու՝ ի սրբազան, ի մխիթարություն և ի փրկություն մեր հավատացյալների հոգիների: Քահանայական կոչում ստանալ, նշանակվում է նախ և առաջ զոհաբերումի կոչվել:

Հոգևոր սպասավորը, այսպիսով, տևապես ուրախանում է, բաց և տխրում ու տառապում իր հոտի ամեն մի անդամի համար: Միայն ուրիշի համար տառապելով կարող ես թափանցել նրա էության մեջ, նրան հասկանալ ու նրան փրկել:

Քրիստոսով փրկությունը մեծագույն բարիքը լինելով, քահանայական ծառայությունը, իբրև միջնորդություն Աստուծո և մարդկանց միջև, հանդիսանում է շատ պատասխանատու առաքելություն: Գիտակցությունը, թե իրենից կախում ունի հավատացյալների հոգիների փրկությունը, մշտապես պետք է արթող մի ապրում հանդիսանա ամեն մի հոգևորականի համար: Նա պարտավոր է մոտենալ իր առաքելությանը մեծագույն լրջությամբ և սրբազան կրքով, որպեսզի նախ ինքն փրկի և ապա նրանց, ովքեր իր հովվությանն են հանձնված: Պողոս առաքյալ պատգամում է մեզ. «Այլ օրինակ լինիջիր հաւատացելոց՝ բանիւք, գնացիւք, սիրով, հաւատովք, սրբութեամբ ... Մի անփոյթ առնէր պնդորհացոյ որ ի քեզ են, որ տուա քեզ մարգարէութեամբ ի ձեռնադրութենէ երիցութեան ... Զգոյշ լինիջիր անձին և վարդապետութեանդ և ի դմին

յամեսցիր. պայդ եթէ առնիցես և վանձն ապրեցուցես և վայնուիկ որ քեզն լսիցեն» (Ա Տիմ. Դ 13—16):

Աբ. Հովհաննես Ոսկեբերան հայրապետը պատգամում է, որ քրիստոնեության էական հատկանիշը՝ հոգևորականների սերն է դեպի Աստված և նվիրումը դեպի իրենց հավատացյալները: Ոսկեբերան շարունակում է՝ «Ինչքան մաքրություն և ինչքան հավատք կպահանջվի քահանայից: Ինչքան մաքուր և ինչքան սուրբ պետք է լինի հոգին նրա, որ նման շնորհք պիտի ընդունի»:

Հոգևոր սպասավորի քահանայագործությունը, իբրև սրբացնող և շնորհաբաշխ արարք, անհրաժեշտ է, որ համապատասխանի նրա բարոյական կյանքի ընթացքին: Բարձր բարոյականը և ոգեկան կատարելության մակարդակը անհրաժեշտ պայմաններ են, առանց որոնց հոգևորականը, ինչ աստիճանի և դիրքի վրա էլ գտնվի, արժանի չի կարող լինել սուրբ պատարագի սեղան բարձրանալու: Պողոս առաքյալը բազմիցս հիշում է՝ այն բարոյական արժանիքները, որոնք պետք է պարգարեն հոգևորականի կյանքն ու գործը: «Պարտ է եպիսկոպոսին անարատ լինել, պղտոր, ժուժկալ, պարկեշտ, հիւրասեր, ուսուցիչ: Մի արբեցող, մի հարկանող, այլ հանդարտ, մի՛ կռուող, մի՛ արծաթասեր» (Ա Տիմ. Գ 2—4): Պատահական չէ, որ առաքյալը եսակենտրոն հոռի հակումների շարքում մատնանշում է արծաթսիրությունը, որ նաև Եկեղեցու կյանքում երբեմն ավերներ է գործում: «Ձի արմատ ամենայն չարեաց արծաթսիրություն է» (Ա Տիմ. Զ 10): Թե Արևելքում, թե Արևմուտքում պատմության ընթացքում բազում անգամներ մեծանուն հայրապետներ և վանականներ հաճախ են ծառացել արծաթսիրության հակումների դեմ: Հիշենք այստեղ միայն Ս. Ներսես Շնորհալուն, որ իր անդրանիկ կոնդակում խարապանում է արծաթսիրության արարքները, չխնայելով իր ժամանակի քահանաներին, վանականներին և ոչ էլ եպիսկոպոսներին:

Ես ինքս, թե՛ Ռուփնիայում իմ առաջնորդության օրերին և թե՛ իմ կաթողիկոսության այս 28 տարիների շրջանին հաճախ տառապել եմ ի տես արծաթսիրության երևույթների մեր եկեղեցական կյանքում:

Բոլորս և ամեն մեկս մեր դիրքերից, նվիրապետական Աթոռներ, թեմական եկեղեցական իշխանություններ, պարտավոր ենք արդարամտությամբ ու անկողմնակալությամբ հսկել, որպեսզի կարողանանք սուրբ պահել մեր Մայր Եկեղեցու նվիրական անունը և մաքուր ու անարատ՝ մեր հոգևոր դասի հեղինակությունը, որովհետև հիմնականում առողջ է մարմինը մեր Եկեղեցու և շատ չափ են՝ հավատավոր, անշահախնդիր ու բարոյական նկարագրի տեր մեր հոգևորականները, թե Մայր Աթոռում և թե արտասահմանում:

Քահանայի սրբացնող ու շնորհաբաշխ առաքելության անբաժանելի մասն է կազմում նաև Աստուծո խոսքը եկեղեցու բնից հավատացյալ հոսիին հասցնելու պարտականությունը: Աստուծո խոսքով նա հոգեկան սնունդ կմատակարարի հավատացյալներին, որպեսզի նրանք իրենց կյանքով ու ձեռաց գործերով կոչվեն դառնալու «լուստ որդիներ» այս աշխարհի վրա, իրենց սրտերում ամուր ծրարած տեսիլքը հավիտենական կյանքի: Քարոզը պետք է ուսուցանի, համոզի և հույի, որով քարոզիչի խոսքը լինելու է՝ հստակ, անկեղծ ու ջերմ:

Հայ հոգևորականի սրբացնող ու միխթարող առաքելությունը իր անձի փոխաբերումով և նվիրումով, տարածվում է ոչ միայն անհատ հավատացյալների վրա, այլ նաև նրանց ընկերային, համայնական և ազգային կյանքի վրա: Չմոռանանք, առաջին դարերի մեծագործ հոգևորականների հերոսական գործունեությունը ի խնդիր ընկերային բարեփոխական իրադրությունների, ինչպիսիք

սիք եղան: հիմնադրումը հիվանդատուների, անկեղանոցների, որբանոցների և կրթական լուսավորական հաստատությունների: Նրանք, ամասնման սիրով դեպի իրենց նմանները, նվիրումով նետվեցին իրենց ժողովուրդների կրթի հորձանքի մեջ, երկնային արքայությունը երկրի վրա կրանքի կոչելու երազանքով: Նրանք շատ անգամ ծառագան սարկության դեմ, ունեւորների և իշխող դեսակարգերի ջահագործումների դեմ՝ պաշտպանելու համար ընչապարկներին, անիրավւածներին, շահագործւածներին: Նրանք մաքսեցին տգիտության դեմ, նախապաշարումների, անարդարությունների և բռնակալների դեմ, օտար զավթիչների և պատերազմների դեմ: Թե Արեւելքում և թե Արևմուտքում այս ոգով տոգորւած քրիստոնեական Եկեղեցիները փառավոր էջեր են արձանագրել պատմության ընթացքում:

Հայ Եկեղեցու պատմությունից հիշենք Դ դարում Մեծն Ներսես Կաթողիկոսի մարդասիրական, բարեսիրական իրագործումները Հայաստանում, որոնք նվիրական ավանդություն դառնալով, առավել կամ նվազ չափով շարունակվեցին մեր ողջ պատմության ընթացքում մինչև մեր օրերը:

Մոռենալով մեր ժամանակներին, ինչպե՛ս կարող ենք մոռանալ Նրիման Հարիկի պայծառ դեմքը և քաջակորով արարքները, իբրև խոնարհ ժողովրդի դաստիարակ, իբրև նվագող վշտից հայրենյաց, իբրև հայրենիքի ազատագրության շեփորահար: Ինչպե՛ս կարող ենք մոռանալ հազարավոր քահանաներին, վանականներին, եպիսկոպոսներին, որոնք 1915—1916-ի ցեղասպանության տարիներին, իրենց հավատացյալների զլուխ կանգնած, կամովին կոհվեցին նրանց հետ միասին:

Ինչպե՛ս կարող ենք մոռանալ 1918-ի մայիսյան հերոսամարտերում, մասնակցությունը հայ քաջարի հոգևորականների, որոնք խաչը ձեռին կռվի դաշտ իջան, պատրաստ կոհվելու վասն Հիսուսի և վասն հայրենյաց, իրենց պայծառ մտապատկեր ունենալով Ե դարի Ղևոնդյան քահանաներին: Նրանց շարքերում կարո՞ղ ենք չհիշել անմոռաց անունը Գարեգին եպիսկոպոս Հովսեփյանցի: Կարո՞ղ ենք չհիշել ծերունավարդ Գեորգ արքեպիսկոպոս Չորեքճյանին, որ 1942-ին նույն հայոց հայրենիքի պաշտպանության դիրքերից, մարտի հրավեր կարդաց հայ պիւլորներին ընդդէմ մեր երկիրը ներխուժող հիտլերյան լիժոխային ուժերի:

Մեր օրերին էլ, նախնյաց պայծառ օրինակով, հայ հոգևորականը սրբապան պարտք ունի պաշտպան կանգնելու ի խնդիր մեր մայր Եկեղեցու և մեր մայր երկրի գոյատևման ու անվտանգության: Մեր Եկեղեցու և հայրենի ժողովրդի գոյատևման ու անվտանգության նախապայմանը խաղաղության պահպանումն է ամբողջ աշխարհում և Հայաստանի սահմանների վրա: Անհրաժեշտ է փակել ամեն տեսակի պատերազմների ճանապարհը՝ իրականացնելով ընդհանուր պինդաթափում, բոլոր տեսակի քաղաքական, ազգամիջյան հարցերը լուծելով միմիայն խաղաղ միջոցառումներով, Միացյալ Ազգերի Կազմակերպության հովանու ներքև: Ոչ մի գաղափարախոսություն, ոչ մի դասակարգային կամ պետական շահ չեն կարող արդարացնել որևէ պատերազմ մեր դարաշրջանում:

Հայ Եկեղեցին ու իր ժողովուրդը, մոտ հազար տարի տառապել են Հայաստանի մայր հողի վրա: Ունակոխ են եղել և հաճախ նահատակվել հեռուներից արշավող բարբարոս ցեղերի սմբակների տակ և կամ թատերաբեմ դարձել հարևան եվրո կայսրությունների միջև անվերջ պատերազմների ընթացքում: Իսկ առաջին համաշխարհային պատերազմին, Հայ Եկեղեցին ու ժողովուրդը կոհ գնացին 1915 թվականի Օսմանյան կառավարության կազմակերպած ցե-

ուսույթության, Վիլհելմյան Գերմանիայի մեղսակցությամբ: Չոհվեց մոտ երկու միլիոն անմեղ հայ ազգաբնակչություն Արևմտյան Հայաստանում: Այդ սև օրերին Գերմանիայում բարձր հնչեց միայն մեկ արդար ձայն: Չայնը իրավ թրիստոնյա հայր Իոհաննես Լեվսիտսի: Նրա ձայնը սակայն շուտով խափանվեց, որովհետև այդպես Լին թերադրում Գերմանիայի պետական շահերը: Իսկ պատերազմից հետո, նաև հաղթող դաշնակից պետությունները, դրժելով իրենց բոլոր հանդիսավոր խոստումները և Սևրի դաշնագրի որոշումները, հայ ժողովրդի արդար դատը մոռացության տվեցին, որովհետև այդպես թելադրեցին սյոգ պահին նրանց պետական ինչ-ինչ շահերը: Մի անգամ ևս հնչեց արդար մի ձայն Ֆրիդրիխ Նանսենի՝ «խաբված մի ժողովուրդ» նշանավոր գրքով: Այդ ձայնը ևս մոռացության տրվեց:

Հայ ժողովրդի մի մասը միայն իրկվեց՝ միանալով սովետական հոսերապետությունների միության, որով ևս կարողացավ գտնել վերածննդի նոր ճանապարհ, խաղաղության ու ապահովության պայմաններում: Ո՞ր հայ մարդը, ո՞ր հայ հոգևորականը պիտի կամենային, որ մի նոր պատերազմի կրակը մոտենար հայիվ վերաշինված սեր հայրենիքի սահմաններին:

Մեր բոլորի սրբազան պարտքն է աղոթել և գործել՝ խաղաղության, արդարության և ազգությունների բարեկամության մեծ գաղափարների հաղթանակի համար:

Իմ խոսքի ավարտին, ցանկանում եմ մի սլահ կրկին անդրադառնալ Խոզևորականի կոչման, նրա ինքնակատարելագործման ու ինքնակերտման իմ առաջադրած հիմնական հարցին՝ լսելի դարձնելով պատգամը Արևելքի Եկեղեցու մեծագույն դեմքերից մեկի՝ Սբ. Գրիգոր Նազիապացու, հեղինակը «Փախուստ ի Պոնտոս» նշանավոր գործի, նվիրված քահանայության առաքելության:

«Ես համարում եմ վտանգավոր գործ՝ հոգևոր կոչում ստանձնել և դառնալ ուրիշների հոգիների հովիվ և միջնորդ Աստուծո և մարդկանց միջև, նախքան զսպումը և տիրապետումը իմ մարմնի հակումների, նախքան մեքրաջրումը իմ գիտակցության և մոտենալը Աստուծո, ավելի քան սովորական մարդիկ:

Այլապես ո՞վ կարող է համարձակվել քահանա դառնալ, ինչքան ժամանակ չի իմանում տարբերություն դնել ստվերի և իրականության միջև, խաղականքի և ճշմարտության միջև, որպեսզի փախչի ստվերից և մոտենա ճշմարտության, որպեսզի փախչի հին տառից և ծառայի հոգու վերստորոգման, մարմնի մահացնող օրենքից անցնելու համար Աստուծո շնորհքին» (գլուխ 91-ից):

Թագաւոր երկնաւոր վեկեղեցի քո անշարժ պահեա. ամէն:

